

Հարցին ցՀայս թէ ունիցի՞ն զայլ տեղիս քննութեան, և նոքա ասեն՝ քննել զգողացեալ տեղիս, թերի և այլատարազ շինուածս, կամ հրաման տալ ինքեանց շինել զայնս ըստ առաջին ձեւոյն, և կամ գրեալ ծանուցեն 'ի Դուռն: Վերստին գրգռեցաւ բարկութիւն Գատաւորին և սկսաւ գոչել, զայդ ոչ է հրամայեալ Արքայի: Եկին և ժողովեցան ամենեքեան 'ի դուռն տաճարին. Հայք ասեն. որովհետեւ զամենայն ինչ ըստ հրամանի Արքային կամիք գործել, 'ի հրովարտակի Արքային Սէլիմայ յայտնապէս գըրեալ է. 'ի ներքս մեծի դրան վէրին և ստորին կողմն, զորս այժմ Յոյնք և Լատինք հակառակ հրամանին գրաւեալ և զմեզ զրկեալ են իսպառ յաւելածութենէ: Ազազակեցին Յոյնք. մինչդեռ Հայք յառաջագոյն սեփհական տեղիս ոչ ունէին, այժմ՝ կամին բովանդակ եկեղեցւոյն տիրել: Գործակալք և գլխաւորք քաղաքին զայս իրաւունս Հայոց գիտէին, և ստիպէին զԴատաւորն իշխել Յունաց զի լուսցեն, և թողցեն զայն տեղի: Յոյնք բարձրացուցին զձայնս և յայտնապէս սկսան խօսիլ ընդդէմ Տէրութեան. բարկացեալ Գործակալաց ստիպէին զԴատաւորն 'ի գործադրութիւն, այլ նորա թեւարկեալ զՅոյնս, հարցանէր ցայլազգի դռնապանս, թէ ո՞րպէս գիտեն զառաջին սովորութիւնն. և նոքա ասեն՝ զերիս ազգս գիտեմք աստ գլխաւոր՝ և նոցա է առնել շինութիւն, բանալ ըզդուռն այլովքն հանդերձ, բայց Լատինք և Յոյնք ածեն աւել աստ. իբրեւ երկարեցաւ վէճն, Լատինք ոչ կամեցան յետս մնալ 'ի շարաթէ իւրեանց: Հայք ասեն. չունիմք դատ այժմ ընդ Լատինս, այլ կամիմք ըստ մտաց հրովարտակին թափել զսեփհական տեղիս մեր 'ի ձեռաց Յունաց. եւ յայս բան սաստկացաւ վէճն 'ի մէջ երկուց ազգաց, Հայոց և Յունաց. և 'ի նեղիլ Հայոց, հաճեցան ունել Լատինք զիւրեանց ամբողջ շարաթն, և բաժանորդ լինել շարաթուն Յունաց. հաւանեցան ընդ այս ժողովն և Գատաւորն իսկ, և ստիպէին զՅոյնս հաւանիլ և վախճան տալ կռուոյն: Այլ նոքա իբրեւ 'ի միոյ բերանոյ ազաղակէին՝ չտամք տեղի Հայոց մատնաչափ: Գատաւորն՝ ահա ասացի, բայց Յոյնք ոչ հաճին. Ոստիկան կուսակալին ասէ՝ 'ի բաց թողեալ զհրաման Արքային, ունկնդի՛ր լի-